

ուորա-զերզացիական «Նոյեմբերեան յեղա-  
փոխութեան» :

Բոլշեւիկեան բէթիմը Նանդուբեյի չէ  
Հայաստանի եւ հայ ժողովուրդի համար ոչ  
միայն այն տեսակէտից, որ նա կապուել է մեր  
ժողովուրդի քաղաքական եւ քաղաքացիական  
ազատութիւնը, կաշկանդել նրա տնտեսական  
վերելքը, այլ եւ այն տեսակէտից, որ նա, ան-  
ագատ վիճակ ստեղծելով մեր երկրում, ան-  
դամալուծել, անկարելի է դարձրել մեր երկրի  
ու ժողովուրդի համար ոչ պակաս կարեւորու-  
թիւն ունեցող ազգախաւաքման հրամայական  
պահանջը, որի սկիզբը դրուած էր, լայն չա-  
փերով, ազգային-հանրապետական կոտավա-  
րութեան օրով :

Կարճ, եթէ դիքտատուրայի տապալումը  
եւ դեմոկրատական-ազատ կարգերի վերա-  
կանդնումը կենսական անհրաժեշտութիւն է  
ուրա եւ Ռուսաստանի բոլոր ժողովուրդների  
համար, նա կրկնակի պահանջ է հայ ժողո-  
վուրդի համար: Ազատութեան պայքարը աւելի  
քան ուրիշ ուրիշ տեղ՝ Հայաստանում կարող է  
գտնել իր սկզբունքային արդարացումը :

Ահա թէ ինչո՞ւ այնչափ ժողովրդականու-  
թիւն ունեցաւ փետրուարեան ապստամբու-  
թիւնը Հայաստանում, որ միահամուռ բռն-  
կումով վերջ տուաւ, թէեւ կարճ ժամանա-  
կով, տիրող դիքտատուրային, վատթարագոյն  
ձեւի տակ: Իսկապէս սխալ էլ է՝ փետրուարեան  
պատմական անցքերը «ապստամբութիւն» ո-  
բակելը, ինչ որ սովորաբար արւում է մեղ-  
նում, քանի որ նրանք, այդ դէպքերը, ըստ ա-  
մենայնի ի յայտ են բերել բոլոր յեղափոխու-  
թիւններին յատուկ հիմնական գծերը: Աւելի  
ճշմարիտ է խօսել ուրեմն ոչ թէ փետրուար-  
եան ապստամբութեան, այլ փետրուարեան  
յեղափոխութեան մասին:

Եւ սակայն եթէ յեղափոխութեան, ազատ  
ապրելու պահանջը անկապուելի իրաւունքն է  
ամէն մի ժողովուրդի, այդ դեռ չէ նշանակում  
թէ նաեւ նրա պարտականութիւնն է՝ կիրար-  
կել այն բոլոր պայմաններում: Նա մի երկասյ-  
րի սուր է, որ հեշտութեամբ կարող է իր իսկ՝  
կրողի դէմ դառնալ եւ նրան վնասել, փոխա-  
նակ շահ բերելու նրա գործին: Ուրիշ խօս-  
քով՝ ամէն մի յեղափոխական քայլ կարող է

արկածախնդրականի վերածուել, եթէ չէ հա-  
սունցած նա ըստ ամենայնի, եթէ չէ ապահով-  
ուած նրա յաղթանակը :

Խորհրդային դիքտատուրան տապալելը եւ  
նրան դեմոկրատականով փոխարինելը ոչ սոսկ  
Հայաստանի եւ հայ ժողովուրդի գործն է, ոչ  
էլ նրա ոյժերի համապատասխան մի ձեռնարկ:  
Դա նախ եւ առաջ ռուս մեծ ժողովուրդի  
գործն է, որ եւ իրականութիւն դառնալ կարող  
է միայն այն ժամանակ, երբ հաւաքուստակա  
չափանիշով հասունցած լինի նա եւ ապահով-  
ուած նրա յաղթանակը — յեղափոխութեամբ  
թէ բարեշրջութեամբ, դա տարբեր խնդիր է:

Անկարելի է կարծել, թէ հնարաւոր է առ-  
հասարակ, որ Հայաստանում կամ կովկասում  
ազատ, դեմոկրատական կարգեր իշխեն, մինչ  
անդին Ռուսաստանում շարունակի փթթել  
դիքտատուրան:

Եւ վերջապէս հայ ժողովուրդը եւ ոչ իսկ  
մէկ կաթիլ արիւն տրամադրել կարող է մի  
դատի համար, որչափ եւ արդար լինի նա ու  
նաեւ իրենը, եթէ միայն՝ զէնքի պայքարը չէ  
բռնազատուած նրան տիրող իշխանութեան  
կողմից, ինչ որ եղաւ 1920 փետրուարին, եւ  
եթէ զրանից դուրս ուրիշ ելք չէ մնում: Ու  
պատմութեան առաջ միայն եւ միայն այդ տե-  
սակէտից հիմնաւորուել ու արդարանալ կա-  
րող է ամէն մի յեղափոխութիւն առհասարակ,  
դրանց թուում ուրեմն նաեւ հայկականը եւ  
մասնաւորապէս փետրուարեանը:

Ահա թէ ինչո՞ւ Ռուսաստանի ժողովուրդնե-  
րի համար ընդհանրապէս եւ մեզ համար մաս-  
նաւորապէս — կան նաեւ ուրիշ պատճառներ —  
անբաղդատելիօրէն ցանկալի, գերադասելի  
է, որ բարեշրջման ֆանապարհով տեղի ունե-  
նայ Խորհ. Միութեան մէջ փոխանցումը —  
որչափ եւ երկարաձգուի նա — դիքտատուրա-  
յից դէպի դեմոկրատիա:

Ահա թէ ինչո՞ւ Հ. Յ. Գաշնակցութիւնն էլ  
ստեղծուած պայմաններում, մնալով հանդերձ  
պայքարողի դերում գաղափարական գետնի  
վրայ ընդդէմ բոլշեւիզմի, ժխտում է յեղա-  
փոխական գործօն կուռի կարգախօսը՝ տիրող  
բէթիմի դէմ:

Եւ որովհետեւ ազատութեան վերստացու-  
մը ոչ միայն հայ, այլ եւ ռուս եւ Ռուսաստա-